



თავისუფლება მხოლოდ ერისა და ეკლესიის მტკიცე კავშირით მოიპოვება მართლმადიდებელთა ერთობას დიდება.

მერთობა

მისიონერული საზოგადოება "ლაზარეს აღდგინების" საუწყებო ეპისტოლე N 1 1990 წ.

აცხოვნე, უფალო, ერი შენი, და აკურთხე სამკვიდრებელი შენი. ძლევა ჭვარითა ბარბაროზთა ზედა ღვთივ-დაცულსა ერსა ჩვენსა მოანიჭე და საფარველსა ქვეშე მისსა დაცევ, რათა ვიტყოდეთ უფალო დიდება შენდა. ამინ.

არა დასცხრეს გულის წყრომა ჩემი წინააღმდეგომა შორის. (ესაია 4,2, 3.)

"აღდგინებით მართლმადიდებლობის სული და გავილაშქროთ სარწმუნოების საწინააღმდეგო აზრის მიმართ. მხოლოდ ამგვარად შევძლებთ ქრისტეს მტრების მოგერიებას. თქვენ, საერთოებმა უნდა დაიწყეთ. თქვენში ვრცელდება ბოროტი მარცვლი და თქვენვე უნდა აღსდგეთ. თქვენ ყველაფერს სასულიერო ფუნას აბრალებთ. ნურაფერს დაიშურებთ სარწმუნოების დასაცავად. - ოღონდაც დაიწყეთ. დაე, ღმერთმა შეგვაძლებინოს, - თქვენც, ჩვენც, - გავერთიანება და ბრძოლა სარწმუნოების დასაცავად! - დაე, მართლმადიდებლობის ქომაგმა წმინდა ნიკოლოზ განმანათლებელმა გაასხვიოს ჩვენი გონება და განამზადოს ჩვენი გულები ღვთისა და ეკლესიის სადიდებლად. - ეს არის არა მხოლოდ მარადიული ცხოვნების საწინდარი, არამედ ჟამიერი კეთილდღეობის პირობაც. ამინ" (წმ. ეპისკოპოსი თეოფანე დაყუდებული. ნაწყვეტი წიგნიდან, "მართლმადიდებლობის, მასთან ბრძოლისა და განდგომილების შესახებ").

მისიონერული საზოგადოება "ლაზარეს აღდგინების" არსი და მოწოდება

ყველა სამართლებრივ სახელმწიფოში მისიონერულ საზოგადოებათა კომპე ტენციაში შედის რელიგიურ საქმიანობასთან დაკავშირებული არაერთი საკითხი, მაგრამ ათეისტური დიქტატურის პირობებში ჩვენ ვაყენებთ ერის გაერთიანება-განთავისუფლების უმთავრეს პირობას - რელიგიურ გამათავისუფლებელი მოძრაობის იდეას.

ჩვენ ვაცხადებთ ლენინურ-სტალინური იდეოლოგიის რელიგიურ-სამართლებრივ ბოიკოტირებას. ჩვენი გამართლებელი ფორმულაა, რელიგიური თავისუფლების მოთხოვნით - ერის თავისუფლებისაკენ. ამ საღვთო მოწოდებით უნდა გაერთიანდეს ქართველი ერი. მხოლოდ ჭვარი უნდა წარუძღვეს ერს თავისუფლებისაკენ, რამეთუ თანახმად ბიბლიური კანონისა, მხოლოდ ჭვარს ძალუძს ერის გაერთიანება. ღმერთმა მხოლოდ მაშინ შეიძლება ისმინოს ერის, როდესაც ეკლესიის თავისუფლებას მოითხოვს.

მაშულიშვილი, გეორგიანო - ქრისტეს მხედარნი...! დაე, თავისუფალი დახვდეს ჩვენი ერი უფლის მოხრანებას საქართველოში, ამისთვის დროულად ყველამ ერთხმად უნდა შევლადალოთ - უფალო, დიდება შენდა! დიდება!

მორიგი საბჭოური ფარსი

მიმდინარე "გარდაქმნის" პროცესებს თან ახლავს ფარსიველური მიდგომა რელიგიათა მიმართ - ერთგვარი სპეკულირება ამ თემით, რომლის დამადასტურებელი ერთერთი ფაქტიც ამა წლის დასაწყისში ღვთის განგებით ხელთ ჩაგვივარდა. ეს გახლავთ სსრ კავშირის მინისტრთა საბჭოსთან არსე-

ბული რელიგიების საქმეთა საბჭოს საქართველოს რწმუნებულის აპარატის მიერ რესპუბლიკის რაიონულ და საქალაქო აღმასკომების თავმჯდომარეთა მიმართ 1989 წლის 10 ნოემბერს დაგზავნილი აღმასმითებული დოკუმენტი, საბჭოს რწმუნებულის ა. წიკლაურის ხელმოწერით.

აი ეს საბუთი (ვაქვეყნებთ მცირე შემოკლებით).

"გთხოვთ ამა წ. 10 დეკემბრამდე წარმოგვიდგინოთ რელიგიური კულტების კანონმდებლობის დაცვისადმი კონტროლის ხელშემწყობი კომისიის 1989 წლის ანგარიში.

წლიურ ანგარიშში უნდა იყოს მოცემული თქვენს რაიონში (ქალაქში) არსებული რელიგიური ვითარების სრული სურათი, სადაც უნდა აისახოს მორწმუნეთა სოციალური შემადგენლობა და ქადაგებათა შინაარსი. ტარდება თუ არა მუშაობა სასულიერო პირთა მიერ მორწმუნეთა შორის სწორი პოლიტიკური ორიენტაციისა და მოქალაქეობრივი, პარტიული სულისკვეთების გავლენების თვალსაზრისით. როგორია კანონიერების დაცვაზე კონტროლის განხორციელების ფორმები და მეთოდები. რა პრობლემატიკური ღონისძიებები გატარდა კანონმდებლობის დარღვევის თავიდან ასაცილებლად, კანონმდებლობის დამრღვევი ცალკეული ფანატისების თუ აქტიური პირების საქმიანობის აღკვეთისა და მორწმუნეთა თვალში მათი მხილებისათვის და ა. შ. ჩატარდა თუ არა საკულტო ნივთების სრულყოფილი ინვენტარიზაცია. როგორ ახორციელებენ თავის მოვალეობას რელიგიურ გაერთიანებებთან არსებული აღმასრულებელი და სარევიზიო ორგანოები: არიან თუ არა ისინი დაკომპლექტებული. მოყვანილია თუ არა სათანადო წესრიგში რელიგიური საზოგადოებებისა და ჯგუფების აღმასრულებელი ორგანოებისა და კულტის მსახურთა დოკუმენტაცია.

მონაცემები ფულადი სახსრების შესახებ (ქალაქი, რაიონი) 1989წ. საერთო ფულადი შემოსავალი 1989წ. 1 დეკემბრისათვის.

1. რელიგიურ წეს-ჩვეულებათა შესრულებიდან
2. ნებაყოფლობითი შეწირულობიდან
3. კულტის საგნებისა და სათილის (საეკლესიო ლიტურატურის-ბიბლიის) გაყიდვისგან (ფინანსში დაბეგრისათვის გადასაცემად)
- საერთო ფულადი გასავალი 1989 წ.
1. ეკლესიის მისამსახურე პერსონალიზე.
2. შენობის რემონტზე და შენახვაზე.
3. საკულტო საგნების და რელიგიური ლიტურატურის შექენაზე.
4. ფულადი გადარიცხვა მშვიდობის ფონდში (...).
5. ფულადი გადარიცხვა კულტურის ფონდში (...).
6. ფულადი გადარიცხვა ძველთა დაცვის ფონდში (...).
7. ფულადი გადარიცხვა ბავშვთა ფონდში.
8. სხვა გასავალი: როგორი, რამდენი გამიფრულ იქნას დაწვრილებით (...).

ფულადი სახსრების ნაშთი 1989 წ. 1 დეკემბრისათვის.

რელიგიური კულტების დარგში კანონმდებლობის დაცვის ხელშემწყობი კომისიის თავმჯდომარე (მოადგილე).

იმასთან დაკავშირებით, რომ შემაჯამებელი წლიური მონაცემები ხელმძღვანელ - ორგანოებში წელს წარდგენილ უნდა იქნას გაცილებით ადრე, გთხოვთ წლიური ანგარიში, შემოსხენებული მასალეი თანდართული შევსებული სტატისტიკური ფორმები წარმოადგინოთ მითითებულ ვადებში".

ასეთია ეკლესიის მიმართ მკაცრი იდეოლოგიურ-მატერიალური რეპრესირების ამსახველი ერთერთი თანამედროვე დოკუმენტური ფაქტი, რომელიც მოსკოვის იდეოლოგიური ზედამხედველობისა და აგენტურის - რელიგიების საქმეთა სარწმუნებულოსა და სუკ-ის ერთობლივი "მოღვაწეობის" ერთგვარი ამსახველიცაა. სხვათა შორის უნდა ითქვას, მიუხედავად 80% სახ. ზეგარის და სხვა არსებული მრავალი ფონდებისა ეკლესია მანც ეხმარება ზემოთ ჩამოთვლილ ფონდებს...

წლეულს ერი უფრო მტკიცედ შეუდგა ეკლესიური გზით თავისუფლებისაკენ მავალ მიმე ჭვარს... არახული რელიგიური აქციების შემდგომ 11 იანვარს საბოლოოდ გადაწყდა რამდენიმე წლის წინ კათოლიკოს-პატრიარქის მიერ დაყენებული საკითხი - გამოვიდა დადგენილება სსრკ მინისტრთა საბჭოსთან არსებული რელიგიების საქმეთა საბჭოს საქართველოს რწმუნებულის აპარატის გაუქმებისა, თუმცა ეს არის მთელი ქართველი ერის მოტყუების ცდა. ჩამოყალიბდა იგივე ფუნქციების აღმასრულებელი საქ. სსრ მინისტრთა საბჭოსთან არსებული ორგანო, კვლავ გრძელდება: საგანმანათლებლო, ქვერილობითა, ინვალიდთა, ხანდაზმულთა და მრავალშვილიან ქართველთა დასახმარებელი თანხების მთავრობის მიერ მითვისება (საერთო შემოსავლის 2/3).

სსრკ-ში მიმდინარე "დემოკრატიული გარდაქმნა" ემსახურება მხოლოდ მოდერნიზებული ათეისტური დიქტატურის მატერიალურ გაძლიერებას. ამჟამად სსრკ-ში ნებისმიერ კოპერაციუსაც კი გააჩნია თვითმმართველობისა და განვითარების სრულყოფილი უფლებრივი საშუალებანი (ღმერთმა მოგვიტევოს ამ კუთხით შედარებისთვის), მაშინ როდესაც ეკლესიას - ქრისტიანთა გაერთიანებას არავითარი უფლება - არავითარი საკუთრება (ღვთისმსახურების საგნებიც კი "სახელმწიფო კუთვნილება" და იბეგრება). ყოველივე ეს და სხვა მრავალი სრულიად არ ეთანხმება ელემენტარულ საერთაშორისო მორალურ ნორმებს, სამართალსა და კაცობრივობის თანამედროვე პირობებს...

21 იანვარს, გაზეთ "კომუნისტში" გამოქვეყნდა საქ. სსრ მინ. საბჭოსთან არსებულ რელიგიების საქმეთა სარწმუნებულოს "კოლექტივის" წერილი. ჩვენ არ შევებებით წერილის შინაარსს... ოღონდაც ერთს ვიტყვი, დასაანია, ოდესღაც (სამსახურის საშოვნელად...) საქართველოს დამპყრობელთა პარტიაში გაერთიანებულნი, ახლაც ეკლესიისა და ერის საწინააღმდეგო ინტერესების დამცველნი, ქართველები რომ არიან...

იმასთან დაკავშირებით, რომ "გაუქმდა" სსრკ მინისტრთა საბჭოსთან არსებული რელიგიების საქმეთა საბჭოს საქართველოს აპარატი და შეიქმნა საქ. სსრ მინისტრთა საბჭოსთან არსებული იგივე დანიშნულების ორგანო, კვლავ კატეგორიულად მოვითხოვთ, საქართველოს მართლმადიდებელი ეკლესიის დამოუკიდებლობასა და სრულ-

თავისუფლებას, მისი ტრადიციული-სამოციქულო წესით მართვას! ხდებენ (როგორც ხდებოდა ეს სსრკ-ში) ათეისტური დიქტატურის შემოჭრამდე და მის რელიგიასთან ლაპირისპირებამდე და ამ მიზნით ხსენებული ორგანოს ლიკვიდაციას. ეკლესიას არავითარი დანაშატი არ სჭირდება. დაე, აღსდგეს საქართველოში ისტორიული - დიქტატურაზე რელიგიათა თავისუფლება, დე გზა მიეცეს ჭეშმარიტებას - დე აღმოხრწყინდეს მზე სიმართლისა... ამინ!

ჩვენს მოთხოვნებს წარმოადგენს აგრეთვე.

1. დაუყოვნებლივ გამონთავისუფლდეს და ამოქმედდეს საპატრიარქოს კუთვნილი "ლურჯი მონასტრის" ტაძარი.
2. დაუყოვნებლივ გამონთავისუფლდეს და დაუბრუნდეს საპატრიარქოს კუთვნილი რეზიდენცია (სადაც მოღვაწეობდნენ საბჭოთა ხელისუფლებასთან ქრისტეს მახვილით მებრძოლი პატრიარქები: კირიონი, ლეონიდე და აშროსი).
3. არავითარი საგარეო ნაგებობა, ბეთანის მონასტრის - წმიდა ბერების საძვლესა და ნავსაყუდელთან მიმდებარე ტერიტორიაზე.

საქართველოს მართლმადიდებელი ეკლესიის შიველისა (ანუ ეკლესიის წევრთა) და სასულიერო სემინარია-აკადემიის სტუდენტთა სახელით.

ძლევა ჭვართა ბარბაროზთა ზედა

იდეოლოგიურად და მატერიალურად გაკოტრებული ათეისტური წითელი დრაკონის დიქტატურა ეძებს გამოსავალს. იგი იარსებებს მანამ, სანამ მსოფლიოში განხეულ მწვალბელთა (ერეტიკოსთა) გაერთიანებას - ეკუმენიზმს არ შეეყოფა-არ შეეთვისება იგი. ამის ერთ-ერთი თვალსაჩინო მაგალითია თუნდაც მიხეილ გორბაჩოვის მოღვაწეობა ამ მიმართებით - შეხვედ რები რომის პაპთან და მასთანა ლოჯის მაგისტრთან, რუსული "მართლმადიდებელი ეკლესიის" ამ ჟამიერი საქმიანობა...

დიქტატურა, რომელიც ჩამოყალიბდა ანტიქრისტიანული იდეოლოგიის საფუძველზე, მხოლოდ მართლმადიდებლობის - ჭეშმარიტი სარწმუნოების ირგვლივ კონსოლიდაციით შეიძლება დაძლეულ იქნეს საქართველოში, ვინაიდან (კაცობრივ და არა სარწმუნოებრივ ენაზე რომ ვიმსჯელოთ) თავისუფლების მტერმა, ჩვენს მიერ რელიგიურ - განმანთავისუფლებელი საკითხის მკვეთრად წამოჭრის შედეგად, ან დროზე ადრე უნდა გაამჟღავნოს თავისი თავი - ჩაშალოს ზრახვა მოდერნიზებული იდეოლოგიით მსოფლიო ბატონობისა, ან კლანჭი გაუშვას მართლმადიდებელი მოძღვრებითა და სულით შემოსილ ღვთივ, გამორჩეულ ერს.

ეროვნული გამოღვიძების ხანაში კრემლის აგენტურა კოსმოპოლიტიზმის მქადაგებელ რელიგიებს მოხერხებულად იყენებს. კომუნისტების იდეოლოგია, კრიშნაიზმი, ბაჰაიზმი, იელოვიზმი და სხვა სექტანტური კონფესიები მსოფლიო და ეროვნულ წმინდანთა (და მათი ხატების...) უარყოფით ცდილობენ, მივიწყებდეს მიეცეს ეროვნული სული - მისი თვითმყოფადობა: ერის კულტურა, ტრადიციები, ისტორია და მისგან განუყოფელი ეკლესიის ისტორია - წმიდა მეფეთა და წმიდა მამათა ცხოვრება. ღმერთთან კავშირის გაწყვეტის - ეროვნებათა და რელიგიების აღრევის-კოსმოპოლიტიზმისა და ეკუმენიზმის, ანუ რელიგიური "ინტერნაციონალიზმის" საშუალებით ანტიქრისტიე ხელოვნურად, არა ჭეშმარიტი ერთობის, არამედ აღრევისა და თვით გაბატონების საწვევარი მიზნისთვის იღვწის.

ქართველი ერის ისტორია ეს წმინდანთა და ეკლესიის ცხოვრების

ისტორია, ეკლესიისა, რომელმაც შეგვიანარჩუნა ეროვნული სული, ენა და მამული. ყოვლად მიუტევებელი და სამარცხვინო ფაქტი იქნება, რომ სსრკ შემადგენლობიდან გასვლის მთავარ არგუმენტად ჩვენი ეკლესიის დამოუკიდებლობა და რელიგიური განმანათლებლობა არ გამოვლინდეს. ვინაიდან არ ვაღიაროთ, მიუხედავად, რომ სსრკ სინდისის თავისუფლების ახალი კანონპროექტიც სახარბილოს არას გვიპირდება...

"მე რომელი ვიხილე მამისა ჩემისა თანა, მას ვიტყვი, და თქვენ რომელი იხილეთ მამისა თქვენისა თანა, მას ვყოფთ... თქვენ მამისა უშმაკისანი ხართ და გულის თქუმათა მამისა თქუენისათა გნებავს ყოფად; რამეთუ იგი კაცის-მკვლელი იყო და ჭეშმარიტებას არა დაადგა დასაბამითგან, რამეთუ ჭეშმარიტებად არა არს მის თანა..." (იოანე 8. 38,44).

მთელი ბიბლია-ღვთის სიტყვა დაწერილია ერის ხსენებით, ასახავს კაცობრიობის ისტორიას და მის მომავალს. ელემენტარული ბიბლიური ჭეშმარიტებაა, რომ ერმა უნდა მიხედოს ეკლესიას - გაერთიანდეს მასთან და ღმერთი იხსნის მას ხილულ თუ უხილავ მტრისაგან-გამოიყვანს და დაიცავს ყველაზე უიმედო დროს... ამინ!

მესამე და უკანასკნელი პერიოდი ანტიქრისტის მოქმედებისა

(ნაწევრები პროტოპრესვიტერ მიხეილ მოლჩანოვის წიგნიდან "ანტიქრისტი").

...მესამე და უკანასკნელი პერიოდი ანტიქრისტის მოქმედებისა დაიწყება მსოფლიო ხელისუფლების მოპოვებით. საყოველთაო მსოფლიო მართვა, რომელიც მოექცევა ანტიქრისტის ხელში, უმრავლესობის მიერ მიჩნეულ იქნება, როგორც ერთადერთი გზა კაცობრიობის შემდგომი აყვავებისაკენ... ლატანციუსი წერდა: როცა ხალხები მეტისმეტად გაამრავლდნენ ჭარბებს და ხვანა-თესვას დაივიწყებენ - რაც გაპარტახებისა და დამარცხების ნიშანია - მაშინ ჩრდილოეთის ქვეყნის განაპირა მხარიდან უცრად აღსდგება

უძლიერესი მტერი ის გახდება ყველას მხრძანებელი და ეს იქნება ანტიქრისტი. "და მტკიცე იყოს ძალი მისი და არა ძალითა მისითა" (დანიელი VIII, 24) ძალა და ძალაუფლება ანტიქრისტს სატანისგან მიიღო, რომლის წინაშე უძლურია ყოველგვარი ადამიანური ძალისხმევა. მსოფლიო მონარქად აღიარებისთანავე ანტიქრისტს საყოველთაოდ მიიჩნევენ ყველა რელიგიის სულიერ მეთაურად. ვლადიმერ სოლოვიოვმა თავის უკანასკნელ შრომაში, რომელსაც "სამი საუბარი" ეწოდება, ივარაუდა, რომ როცა ძალაუფლებას მოიხვეჭს, ანტიქრისტი მოიწვევს ყველა რელიგიათა მსოფლიო კრებას, რომელმაც წამოაყენებს წინადადებას რელიგიების ერთი მწყემსის მორჩილებაში გაერთიანების შესახებ. მთავარ ყურადღებას ქრისტიანებს მიაქცევს და მუფედ აღიარების საზღაურად ყოველგვარ მფარველობას დაპირდება. "ის საყვირს დასცემს თავისი თავისთვის, წერს წმ. ეფრემ ასური, - ისევე, როგორც ხმობდნენ მისთვის წინასწარმეტყველები, დაიქმნეს მქადაგებელს, ჭეშმარიტი ღვთის შემეცნების მოამბეს, აღიქმულ მესიას. უმეცარი ქრისტიანები მასში ჭეშმარიტი რელიგიის ქომავს დაინახავენ..." (წმინდა ეპისკოპოსი ეგნატე ბრიანჩანიოვი 106-ე სიტყვა, ნაწილი 2. IV, გვ. 301).

სრულიად საქართველოს კათოლიკოს-პატრიარქის უწმიდესა და უნეტარესი ილია II-ს

უმორჩილესად გთხოვთ, ივერიის ყოვლადწმიდა ღვთისმშობლის ხატის ასლმა უახლოეს მომავალში შემოიაროს ქალაქ თბილისის შემოგარენი, ეწვიოს მკვთასა და სხვა ქალაქებს.

საიდუმლო ომი
იმ დროს როდესაც მოსკოვი გამალებით ამარაგებს კრიშნაიდებსა და სხვა სექტანტებს ანტიქრისტიანული (და ანტიეროვნული) ლიტერატურით, საქ. სსრ კპ ცკ-ის იდეოლოგიური განყოფილების ყოფილი გამგე ვ. ლორთქიფანიძე და სულიერი ძმანი

მისნი, საკმაოდ ხშირად იბარებენ ბეჭდვითი სიტყვის კომიტეტის თავმჯდომარეს რ. ლონტს კოლეგებთან და მკაცრად აკრიტიკებენ, პოლიტიკურ და განსაკუთრებით კი რელიგიურ თვითგამოცემათა (ანუ ჟურნალ "ლაზარეს აღდგინების") ბეჭდვის გამო, ხოლო ეს უკანასკნელი კი სტამბის დირექტორებთან თათბირებზე განსაკუთრებული სიმკაცრით ეხება ამ საკითხს... სტამბათა ხელმძღვანელები არანაკლებ ტერორიზმს განიცდიან სუკიდან. მათი წარმომადგენლები პირდაპირი თუ ფარული წესით დაძრწიან საამქროებში, აწარმოებენ გამოკითხვასა და მოურიღებელ დაზვერვას. ამჟამად მოვიყვანო მხოლოდ ერთ ფაქტს.

N12 სტამბაში შაბათს, 20 ნოემბერს, სახელმწიფო შეკვეთის დასრულებაზე მუშაობდა მბეჭდავი ოთარ ქვათაძე. მოულოდნელად მის კარებზე ატყდა საზარელი ხმაური. კარის გაღების შემდგომ მის თვალწინ აღიმართა ორი "ღუბლიონკა" გადაღლილი ახალგაზრდა მამაკაცი, რომელთაც ქამრიდან პისტოლეტები მოუხანდათ. ყოველგვარი ცრემონიის გარეშე მათ საგულდაგულოდ გაჩხრიკეს საამქრო. ქვათაძის კიბვაზე, თუ რას ეძებდნენ ისინი, მათ პროვინციული კილოთი უპასუხეს, მოპირდაპირე სახლიდან კარგად ჩანს საამქრო შაბათობიდან რომ მუშაობს.

ორი დღის შემდგომ სტამბის დირექტორი შოთა თოფურიძე დაიბარეს პირველი მისის რაიკომის მდივანთან, რომელმაც ესოდენ მკაცრად განუმარტა, რომ მიღებულია სიგნალი თვითგამომცემლობითი ლიტერატურის ბეჭდვის შესახებ, რასაც შეიძლება ფრიად ცუდი შედეგი მოჰყვეს...

მოსკოვის იდეოლოგიური დიქტატის ერთერთმა აღმასრულებელმა ორგანომ (და აგენტურამ) სუკ-მა საიდუმლო ომი გამოუცხადა ჭეშმარიტი რელიგიის ბეჭდვითი სიტყვის საშუალებით გავრცელებას საქართველოში, ამასთან დაკავშირებით არცერთი სტამბა აღარ ღებულობს "ლაზარეს აღდგინების" N4-ს წარმოებაში "ხელისუფლების ნებართვის გარეშე". იყო რამოდენიმე შემთხვევა, როდესაც ბეჭდვითი ოპერაციისათვის დილათ გადაცემული და ჩაშვებული ნომერი სადამოს დამწებებულმა სტამბის მუშაკებმა უკან დააბრუნეს...

წმიდა მამათა ლოცვითა და თანადგომით "ლაზარეს აღდგინების" მღევნელნი შეინანებენ, ან თვით განიდევნიან ღვთისმშობლის წილხვედრ და ქრისტეს მეგობარ ლაზარე-საქართველოდან. ჭეშმარიტად-ამინ!

ქართველი ერის თავისუფლება-ეკლესიის დამოუკიდებლობაშია ერის ერთობისა და აღორძინების გარანტი სამოციქულო ეკლესიის ტრადიციულ მართვა-გამგებლობასა და აღორძინებაშია.

ჟამი ერთობისა

"და სცნათ ჭეშმარიტი, და ჭეშმარიტებამან განგათავისუფლნეს თქუენ" (იოანე 8, 32).

"არა დასცხრეს გულის წყრომა ჩემი წინააღმდეგობა შორის..." (ესაია 4.23).

"რომელი არ არს ჩემ თანა, მტერი ჩემი არს; და რომელი არა შეჰკრებს ჩემ თანა, იგი განახნეს" (ლუკა. 11.23).

"რომელი არა არს ჩუენდა მტერ, იგი ჩუენ კერძო არს" (ლუკა 9. 50).

ერის გამაერთიანებელი მხოლოდ ღმერთია. ყოველი - რომელიც ნებსით, თუ უნებლიედ შეეცდებიან ერისა და ეკლესიის გათიშვას და მით საღვთო მოწოდებისადმი წინააღმდეგობას სახელისა ეკლესიისათვის მხილებულ იქნებიან საჭაროდ. მოსკოვის აგენტურა, ვერც სამაჩაბლოში და ვერც სხვაგან საქართველოში ვერას გახდება, იმიტომ რომ ჭეშმარიტად ჩვენთან არს ღმერთი!

ყოველ შაბათს გიწვევთ წმ. ილია მართლისა და აკაი წერეთლის თვითანდლის თორმეტ საათზე ეკლესიურ-განმანათლებლებელ საკითხზე მსჯელობისათვის. ველით ყველა მართლმორწმუნე გულშემატკივარს.

მხოლოდ წმიდა სარწმუნოებრივი თვითშეგნების შემდგომი აღმავლობა და იესო ქრისტე იხსნის ერს ვარემოდგარი მტრისგან... ამინ!

ინფორმაცია

გასული წლის შემოდგომაზე საზოგადოება "საქართველოს მახარებლის" სახელით ცნობილი ქართველი ბაპტისტები გ.გომელაურის ხელმძღვანელობით

ნ.ჩხეიძის ქუჩაზე მდებარე ღვთისმშობლის ეკლესიის ირგვლივ მცხოვრები მოსახლეობისაგან "ეკლესიის გახსნის მიზნით" ხელმოწერებს აგროვებდნენ... გულბრყვილო მოსახლეობა წვერმოშვებულ ვაჟაკებს საპატრიარქოს თანამშრომლებად და ეკლესიის მრევლად აღიქვავდნენ, მაგრამ მალე გამოირკვა, ეს უკანასკნელი განსაკუთრებული სახის სექტანტები რომ ბრძანდებოდნენ. იმავე მოსახლეობის მოთხოვნითა და კათოლიკოს-პატრიარქის ლოცვა-კურთხევით ტაძარში მართლმადიდებელი მღვდელი - ჩინებული ახალგაზრდა მოძღვარი, მამა თეიმურაზი დაინიშნა.

* * * *

გასული წლის 23 ნოემბერს სტუქალაქის შესასვლელთან ჩვენი ყურადღება მიიპყრო აბრამ, "ქართველ ქრისტიანთა საზოგადოება საქართველოს მახარებელი გიწვევთ ლექციაზე". სწორედ ამ დებინფორმაციული აბრის გამო ჩვენც გამოვიცხადეთ "ლექციაზე", რაც დაიწყო, იმით რომ ლექტორებიც თითქოსდა მართლმადიდებელი იყვნენ, შეიძლებოდა მათთან ერთად სასულიერო - საგანმანათლებლო მიმართებით მოღვაწეობა, ლოცვა და სხვა...

ჩვენ მათ კონკრეტულად მივუთითეთ, რომ ყოვლად დაუშვებელია საზოგადოების ასეთი დებინფორმაცია, განსაკუთრებით კი აბრის მეშვეობით, ვინაიდან მათ ბეჭდვით ამოტიფრულია "სახარების რწმენით მონათლულ ქრისტიანთა საზოგადოება საქართველოს მახარებელი"...

* * * *

22-25 იანვარს ჩატარდა საქართველოს პოლიტიკური პარტიების, საზოგადოებრივი გაერთიანებებისა და ორგანიზაციების პირველი კონფერენცია, რომელსაც რატომღაც ესწრებოდა რელიგიური (სახელმწიფოს მიერ რეგისტრირებულ ქართველ ბაპტისტთა) ორგანიზაცია "საქართველოს მახარებელი", რომლის მეთაურმაც გ. გომელაურმა "ერის ინტერესებიდან გამომდინარე" შეკრებილთა ყურადღება რელიგიურ გაერთიანება - ეკუმენიზმზე გაამახვილა და მის პროპაგანდას ეცადა... ახალგაზრდა ქრისტიან-დემოკრატთა კავშირისა და ეროვნულ დემოკრატიული პარტიის წარმომადგენლებმა ამ ორგანიზაციის რელიგიური მხილების შემდგომ ერთხმად დასტოვეს კონფერენცია. ასადგომად განემზადნენ სირცხვილური "მქადაგებლებიც"... მაღლობა ღმერთს ყველაფრისათვის, კვლავ შეგვიწიოს უფლის წინაშე წმ. მეფე დავით აღმაშენებლისა და ყველა ქართველი წმინდანის ლოცვა. ამინ!

რედაქტორი-საზოგადოების გამგე მერაბ სულაველიძე გ. 22-25-13.
რედაქტორის მოადგილე სიმონ წერეთელი. გ. 95-24-57

ფსალმუნი 90 (მტრის საწინააღმდეგო)

1. რომელი დაშვიდრებულ არს შეწევნითა მადლისაჲთა, საფარველსა ღმრთისა ზეცათასა განისუენოს.
2. პრქუას უფალსა: ხელისაღმპყრობელი ჩემი ხარი შენ და შესავედრებელი ჩემი, ღმერთი ჩემი, და მე ვესავ მას.
3. რამე თუ მან გიხსნეს შენ საფრთხისა მისგან მონადირეთაჲსა და სიტყვისა მისგან განსაკროთმელისა.
4. ბეჭთსაშუალობითა მისითა გვფარავდეს შენ, და საგრილსა ფრთეთა მისთასა ესვიდე;
5. საჭურველად გარემოვადგეს შენ ჭეშმარიტებაჲ მისი.
6. არა გეშინოდის შიშისაჲნი ღმრთისა და იხრისაგან, რომელი ფრინავს დღისი; ღუაწლისაგან, რომელი ვალნ ბნელსა შინა, შემთხუევისაგან და ეშმაკისა შუადღისა.
7. დაეცნენ მარცხენით შენსა ათასეულნი და ბევრეულნი - მარტუენით შენსა, ხოლო შენ არა მიგახლნენ.
8. ხოლო შენ თუალთა შენითა ხედვიდე და მისაგებელი ცოდვილთაჲ იხილო,
9. რამეთუ შენ, უფალი, ხარ სასო ჩემდა და მაღალი გიყოფიეს შესავედრებულად შენდა.
10. არა შევიდეს შენდა ძვირი, და გუემაჲ არა მიეხლოს საყოფელთა შენთა.
11. რამეთუ ანგელოზთა მისთადა უბრძანებეს შენთვის და ცეკად შენდა ყოველთა გბათა შენთა;
12. ხელთა მათთა ზედა ადგიპყან შენ, ნუსალა წარსცე ქუასა ფერხი შენი;
13. ასპიტსა და ვასილისკოსსა ზედა ხვილოდე და დასთრგუნო შენ ღომი და ვეშაპი.
14. რამეთუ მე შესვიდა, და ვისხნა იგი და დავიფარო იგი, რამეთუ იცნა სახელი ჩემი.
15. ხმა-ჰყოს ჩემდამო, და მე ვისმინო მისი და მის თანა ვიყო ჭირსა შინა; ვისხნა იგი და ვადლო იგი.
16. დღევრძელებითა განვაძლო იგი და უჩუენო მას მაცხოვრება ჩემი. დიდება.

მოწყალეს კარი განვიღე, კურთხეული ღვთისმშობელი, რათა, რომელიც ესე შენ გეკავო, არა დავცნეთ, არამედ განვგრძნეთ წინააღმდეგობითა მტერთაგან, რამეთუ შენ ხარ ცხოვრება ნათესავისა ქრისტიანეთასა.

უფალო შეგვიწყალენ (12-ვერ)